

pariet laudem et inextimabilis virtutis propagabunt memoriam sempiternam. Valeat Beatitudo Vestra cui precor vitam longissimam, laetissimam felicissimam.

Die XXIV Junii 1532.

198^o) *Gallie sono al presente fuora.*

Sier Zuan Zustignan fo de mesier Lorenzo, parti adi 14 marzo 1529.

Sier Zacaria Grimani in luogo de so fo Beneto, parti adi 21 ditto.

Sier Zacaria Barbaro, parti adi 6 avril.

Sier Antonio Duodo, parti adi 15 ditto.

Sier Giacomo d'Armer, parti adi 21 ditto.

Sier Hironimo Contarini fo de messier Andrea, parti adi 3 mazo.

Sier Lorenzo Sanudo de messier Zuan, parti adi 27 zugno.

Sier Bernardo Sagredo, parti adi 10 settembrio.

Missier Francesco Pasqualigo proveditor, parti adi 2 mazo 1531.

Sier Piero Capelo, parti adi 17 ditto.

Sier Domenego Bembo, parti adi 29 zugno.

Missier Francesco Dandolo capetanio al Golfo, parti adi 10 marzo 1532.

Missier David Bembo, parti adi 10 ditto.

Sier Luca da Ponte, parti adi 16 ditto.

Sier Domenego Contarini, parti adi 27 ditto.

Sier Zuan Battista Gritti, parti adi 27 ditto.

Sier Nicolò Bernardo, parti adi 29 ditto.

Sier Zacaria Zantani, parti adi 6 avril.

Sier Zusto Gradenigo, parti adi 8 ditto.

Sier Zuan Battista Zustignan, parti adi 12 ditto.

Sier Sebastian Venier, parti a di 14 ditto.

Missier Zaneto da Gavardo de Caodistria, parti adi 20 marzo.

Missier Antonio de Zacotti da Caodistria, andò in suo luogo sier Zuan Morexini, parti adi 20 ditto.

Missier Giacomo da Canal, parti adi 31 ditto.

Missier Zuan di Patrizio da Cherso, parti adi 7 zugno.

Missier Zuan Zirgula da Vegia, parti adi 7 ditto.

Missier Piero Zienaleli da Zara, parti adi 9 ditto.

Missier Simon de Sope da Zara, parti adi 9 ditto.

El clarissimo zeneral sier Vizenzo Capelo, parti adi 13 ditto.

Missier Zorzi Dragovich da Sebenico, parti adi 16 ditto.

Missier Marin de Gabrieli da Curzola, parti adi 22 ditto.

Missier Piero de Nadal de Liexena, parti adi 22 ditto.

Missier Lodovico de Burgia da Cataro, parti adi . . .

Galion capetanio mesier Bertuzi Contarini, parti adi 198* 16 avosto 1531.

Fusta capetanio sier Alexandro Bondimier, parti adi 16 dezembrio 1530.

Fragata patron Giacomo da Castelnuovo, parti adi zugno 1532.

Bregantini.

Patron Luca de Tomaxo calafao, parti adi 22 ditto.

Patron Hieronimo de Polo calafao, parti adi

Candia N. 11.

Corfù e la Morea N. 6.

Dil mese di Luio 1532.

199

Adi primo Luio. Intronò Savi dil Conseio sier Domenego Triwixan el cavalier procurator et sier Daniel Renier, il terzo electo sier Lunardo Emo è amalato di febre. Savii di Terra ferma sier Tomà Donado et nuovo sier Bernardo Barbarigo, il terzo sier Marco Antonio Corner qu. sier Zuanne non vol intrar per esser rimasto eri in Gran Conseio al luogo di Procurator con pena.

Vene l' orator Cesareo solicitando li fosse dà la licentia di passar su li nostri territorii per Alemana formenti di terre aliene stara 12 milia et poter trazer di nostri territorii stara 4000, et questo per bisogno di lo exercito farà la Cesarea Maestà, offerendosi dar il dopio di tratta di Sicilia etc. Il Serenissimo disse se convien far con il Conseio di X con la Zonta, et per esser ozi festa nè li Officii ni Quarantie sentano, ma la terra lavora e le botege se tien aperte. Fu terminà far ozi Pregadi e lezer lettere e far il Savio di Terra ferma che manca e comandar il Conseio di X con la Zonta.

Da Civald di Friul, di sier Marco Grimani proveditor, di . . . fo leta la lettera, qual vene eri. Il summario dirò poi.

Da poi disnar, fo Pregadi. Et sopravene le lettere di Ratisbona, di 14 et 17, che mancava. Il sumario di le qual per seguir li tempi, l' ho posto in questo mese passato.

Fu posto, per li Consieri, Cai di XL, Savi dil Conseio et Savi di Terra ferma, atento la spesa in la qual se atova sier Christophal Capello savio a Terra ferma, andato a far le monstre di le zente

(1) La carta 197* è bianca.